

**3 Joun**  
**Olo Iyoswo Nom'ne Tifinjo loso**  
**Joun Afahwo**  
**Mt'i'mokumentisofoho.**  
**Olo Hungkuno simo'mjofoho.**

Jisas ahwomomme'no nto simentiso sohonta soswo *sikisiti'nji* (60) *sikisiti-sikis'nji* (66) nto uyakolo'mentiso ajwo sopolikeno olo iyoswo ne'no tifinjo loso Joun afahwo mt'i'mokumentisofoho. Olo iyoswo hiloso Ngkaiyasimne'no mt'i'mokumentisofoho. Ngkaiyos sohwo Joun+ye a'amu hweho. Kako oso hwaho engo Esiya sopo humunyo hweho. Joun oso ango hopo sopo ne'no a'amu syoho'njo sohwa uhwajimonto imentisoso Ntiyoutilefes kako oso a'amu yofe hwe engo'njo umo'nimonto oso a'amu syoho'njo sohwo monje esyahaningki Joun kako hwe anga'no kakoe yofe Ntemitiliyos osohumo yofe ho'nomanto uhwajimentisofoho. Olo iyoswo loso Joun+ye a'amu Ngkaiyos sohwo Ntemitiliyos syoho yahaningkuhwosi hofiyo umokosyohumane'ento olo iyoswo loso'nji mt'i'mokumentisofoho. Oso'no nakwo olo hungkuno homo lomo atofe lihwasi tifi uningkohwano.

<sup>1</sup> Ngko Anituye mehomi somo mokosyohumawo'ninkohe sohwo'ni ngko nje ningkwahwo Ngkaiyos sohwo hne'no olo iyoswo loso

kumti'mokiyalokweno. Ngko kikimo nehopi simeho kijopalokweno.

<sup>2</sup> Nje a'amu sohwo, kiko yo'mayo syoho wopingo yontaningkini Anitu kufo'malokunjo so'nji kiko wopingo humahnno so'no ngko Mpohumo jomo ulalokweno. Jije huyo'mango so'no ngko huno niyohoho wopingo humaho. I jije huyo'mango wopingo humaso hopaso jije a'apaho hi'nji wopingo osenohini humahnno so'no Mpohumo jomo ulalokweno. <sup>3</sup> A'amu fehohnjo Anitumo simeho hi'ntnnono uyiwon'ningkohofoso jije angopo nta'ni ni'mantifi ntimalofi, Ngkaiyos sohwo kako Anituye hungkuno ne somo aho yokumpohn'nyo kemokosyohumanto hofiyo'no iningkowalofoho. Ose ntahon'ngkofi ngko simonyo imalefoho.

<sup>4</sup> Nje mehomi hofiko Anituye hungkuno ne somo iningkowalokwofo so'no upa'nonji oso'no ngko simonyo iwo'n'ngkohe hwo'nyoho. Oso simonyo iyo hiso nom'ne yo'mayo so'no simonyo iwo'n'ngkohofoso somo yakolo'nnyofoho.

*Ngkaiyos syoho wopingo imentisofoho.*

<sup>5</sup> U nje a'amu sohwo, kiko a'amu Anituye hungkuno liku'mofiwo'n'ngkohofoso sohwo ufo'mawo'n'ngkinoso oso wonyoangkafofoho. Jije a'amu'nohinimaho. O'o, a'amu kengo mta'ango sohwanjoho. <sup>6</sup> Oso a'amu huhwo sohwa hofiko olopo ni'mantifi kiko hofikimo wopingo uloho'mahnno so'no nakwo Anitune'no uhu'mokontan'ngkuhwoni nal'malofofoho. Kiko a'amu Anituye hungkuno liku'mofo sohwo jije angopo nta'ni hano hofiyo'no

hmmofihwajo. Ose yahon'ingki Anituye simeho wopingo umo'nimontonoho. <sup>7</sup> Hofiko oso syoho yalokwofoso Kilaisiye yofe ho'nomayo'ne yalokwofo. A'amu Anitumo simeho hi'ntnnono muyo'njo sohwa mta'ni hofiko hamniyoho yo'mayoso momaso'njo yalokwofo. <sup>8</sup> Nakwo Anituye a'amu ne hn'nwi nakwo oso a'amu huhwo sohwo ufo'mano. Ose ihwasi oso hungkuno syoho ne'njo so'no nakwo syoho afa'no womojoku'nantanoho.

*Ntiyoutilefes kako yahino wonyo imentisofoho.*

<sup>9</sup> Ngko oso a'amu Ntiyoutilefes+nji Anitumne'no uhu'mokuwo'n'ingkohofosomme'no ngko iyoswo nom'neso nto mt'i'mokumalefoho. Ntiyoutilefes sohwo kako a'amu hiso hofiko nakwoe hwe engo hwosoho ulantife'no yalokunjo so'no kako nje hungkunomo haloho manipewo'n'ingkiso hweho. O'o, kako nje hungkunomo hwotoho nifewo'n'ingkiso hweho. <sup>10</sup> Oseso ngko sekumo se'ma'me'manji ngko yo'mayo kako iwo'n'ingkiso so'no waselimonnoho. Kako nakune'no yo'mayo hungkuno wonyo lalofoho. Kako hwasyo hungkuno lalofoho. Oso'nohini'maho. O'o, kako a'amu Anituye hungkuno liku'mofo sohwo kakoe angomo mipemotasy+wo'n'ingkiso hweho. I a'amu nom'neso hofiko oso a'amu Anituye hungkuno liku'mofo somo nje angomo upemokosyawo'mo loso sohwo Ntayoutilefis sohwo kako hofikoe hon'ingkanano pijumof+wo'n'ingkiso hweho. Oseso

kako oso a'amu homo somo hofiko Anitumne'no uhu'mokiyo somta'ni wae weeo'mto yalofoho.

*Ntemitiliyos sohwo kako yahino wopingo iwo'n'ingciso hweho.*

<sup>11</sup> U nje a'amu sohwo, kiko yahino wonyo somo tifi in'ingkahutoho. O'o, hon'ingcano wopingo somnohini tifi fin'ingkayo. A'amu kako yahino wopingo'njo sohwo kako Anituye a'amu hweho. A'amu kako yahino wonyo iwo'n'ingciso oso hwo kako Anitune'no huno mosyafisiyo hweho.

<sup>12</sup> A'amu hopi'nonohino sohwa hofiko Ntemitiliyos+ye yofe ho'nomalokwofo. Nakwo Ntemitiliyos osohomo uhwonontani nakwo Kilaisiye yahino ne somo uhwalokuhwono. Oso'no ngko huhwo'ni kakoe yofeso ho'nomalokweno. Oso'no kiko huno kiyohoho, Nje hungkunoso ne'njofoho.

*Hungkuno ae'uyofoho.*

<sup>13</sup> Oseso ngko hungkuno sawemo waselimonji ko yoheso oso'no ngko iyoswomo mamti'mokumnehono. <sup>14</sup> We'enepi ngko noku'mahm'me'no nekwo hungkuno wohnnantaeho.

<sup>15</sup> Jiye simehoso pompengo ufisyakumofono. Jiye a'amu olopo humalofo sohwa hofiko nje hwomuhwe kilalokwofo. Nje a'amu kiko'nji humalofo sohwanne'no nje a'amufu ulalokweno. Kiko hofikimo njiyo. Osohopeho. Ngko Joun'ni hungkuno loso mt'i'mokohono.

**Mpohwoe Hungkuno Songofoho  
The New Testament and Genesis in the Safeyoka  
(Ampeeli-Wojokeso) language of Papua New Guinea  
Buk Stat na Nupela Testamen long tokples Safeyoka  
long Niugini**

copyright © 1988 Wycliffe Bible Translators, Inc.

Language: Ampeeli-Wojokeso (Safeyoka)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2011-12-15

---

PDF generated using Haiola and XeLaTeX on 11 Nov 2022 from source files dated 9 Oct 2020

f526da1e-a607-571c-ba86-56367d7583f3